



一 再不必辭

七月壬辰朔丙午加少師兼太子太師吏部尚書
華蓋殿大學士梁儲特進兼支大學士俸賜宴於
禮部儲歷從一品滿九載吏部言輔臣復職例有
息典乃有是命○庚戌大學士楊廷和言近奉手
勅加臣特進疏辭

上曰卿清德正學體國忠誠功在朝廷望隆中外特
加勲秩用示優崇宜勉承恩命益勤匡輔不允

八月壬戌朔壬申傳旨以大學士梁儲蔣冕扈從
南征○丁丑大學士梁儲蔣冕扈從南征請以官

屬主事屠經寺丞胡頤序班岳梁孫繩王岳自隨
及令團營於隨征官軍內量撥百人防護詔許之
○壬午先是內閣缺專管誥勅官大學士楊廷和等
推舉南京吏部尚書劉春堪任奏上不允令再推
久之未上至是降旨以春爲廷和鄉人廷和故私
之且違旨久不另推令廷和具實狀廷和疏上
上曰旣陳狀已知不必介懷宜亟出辦事時
上欲南巡令廷和草威武大將軍鎮國公勅廷和力
爭不可

上怒故籍此譴之大學士梁儲等亦言內閣一應題
奏皆臣等四人共議舉春臣等亦言有罪
上曰卿等不以稽誤自揣乃自相回互邪

○正德十五年二月庚申朔癸亥大學士楊廷和以
衰病乞致仕

詔曰卿忠誠體國德望兼隆值今四方事殷謀猷贊
畫勞績弘多朝廷方切倚毗豈可累疏引疾求退
宜照舊供職以副朕懷慎勿固辭

七月丁亥朔戊戌吏部奏少師兼太子太師吏部
尚書華蓋殿大學士楊廷和歷從一品九年請如
大學士李東陽考滿例特加恩典詔廷和

累朝名德中外具瞻端慎忠勤勲猷茂著朕方委任
贊理化機其寫勅褒諭令兼支大學士俸并給誥
命仍賜宴禮部○辛丑大學士楊廷和言臣近以
九年考滿奉勅兼支大學士俸仍與誥命復遣內
臣特賜寶鈔白金綵段羊酒天光下濟睿澤曲流
銜恩未酬以榮爲懼云云辭兼俸

○正德十六年正月甲寅朔庚申改南京吏部尚書
劉春爲禮部尚書兼翰林院學士內閣專管誥勅
○庚午勅加太子太傅禮部尚書兼武英殿大學士
蔣冕少傅謹身殿大學士太子太保禮部尚書兼

文淵閣大學士毛紀少保改戶部尚書兼武英殿
大學士錫之誥命以三年秩滿也

四月壬午朔二十二日癸卯

世宗肅皇帝卽位丙午召致仕大學士費宏照舊入
閣辦事復其弟翰林院編修案官初宸濠謀爲不
軌宏首發其奸其請復護衛宏峻阻之乃爲濠所
疾未幾解官去家亦廢歸至是兵科給事中徐之
鸞等紀功江西言宏謀國盡心而案亦未聞大過

不宜終棄吏部覆允故有是命

當時宸濠得請護
衛者擬票何人也

徑無人議及之後復
得美謚公論何在

五月壬子朔甲寅先是大學士楊廷和一品九年
考滿

大行皇帝賜以白金鈔錠綵幣羊酒仍令兼支大學
士俸廷和具疏辭免未報至是

上答曰卿宏才碩德望實素隆弼亮忠貞朝廷倚重
茲歷一品俸九年特崇恩禮用酬勞勩宜勉遵
先朝成命以副朕簡眷至意所辭不允○丙辰大學
士梁儲乞致仕

上察其誠懇許之特賜勅給驛以還遣官護行仍廕
子若孫一人爲中書舍人有司月給米六石歲輿

夫八名○壬戌勅陞吏部左侍郎兼翰林院學士
袁宗臯爲禮部尚兼兼文淵閣大學士入贊機務
宗臯具疏辭免

上答曰卿學行老成藩邸劾勞年久內閣重任茲特
簡命勉副朕意不允辭

六月辛巳朔乙酉大學士蔣冕疏乞休致仕

上溫詔慰留不允○巳丑大學士楊廷和以疾乞致
仕

上曰卿忠清公正功在社稷朕新嗣服寧可一日離
左右累疏引疾豈元臣體國義耶鴻臚寺便往諭

御曆類錄 卷之十八 五十八
朕意所辭不允○癸巳大學士楊廷和復上疏乞
休溫詔慰留之仍斷來章○丁酉大學士毛紀自
陳乞休溫詔慰留之○甲辰大學士蔣冕吏部尚
書石珪各乞致仕不允時御史張鵬疏評去留大
臣賢否謂冕當罷而御史趙永亨亦詆珪不可典
銓衡

上以其妄言詰責之冕珪遂各上章求去于是六科
十二道交章論辨謂二臣不宜去朝廷御史言非
是

上乃命鴻臚寺官以公論諭二臣供職冕猶不出

七月庚戌朔己未大學士袁宗臯以疾乞歸

上以宗臯輔導藩邸備竭忠誠優詔留之命太醫院
官往視疾○庚戌朔壬子吏部尚書石珪上疏乞
致仕

上以珪舊臣清謹爲士論所服且考察公明特慰留
之

八月庚辰朔壬辰大學士袁宗臯以疾乞回籍調
理

上優詔不許○丙午廕大學士毛紀次男集爲國子
生以從一品三年秩滿也

御閣類金 卷之十八
九月巳酉朔禮部尚書兼文淵閣大學士袁宗皋
以疾在告逾三月奏乞停俸調理

上曰宗皋俸不必停其強食自愛病愈卽出供職仍
命部臣至其家慰諭之○乙卯大學士袁宗皋卒
有傳○甲子遣官賚勅召太子太保戶部尚書武
英殿大學士費宏勅曰卿學行純正才猷弘遠蚤
由大魁歷官翰苑事我

皇兄武宗皇帝於春宮以致登極日侍講讀備著忠
勤遂由大宗伯入典機務尋以直見忤權奸退休
田里朕嗣承大統之初博采廷議起卿于家而乃

延望數月尚未抵京茲特遣行人再賚勅前去催
取卿其卽日馳驛來京以副朕倚注眷懷毋或稽
遲

九月巳酉朔戊寅大學士楊廷和言臣以菲才遭
逢盛世歷仕一十五轉在官四十四年猥蒙四朝
之恩久玷三孤之位自從召起臥病上請者凡十
二章今事

聖明陳辭懇乞者亦已三數蒙恩詔曲賜留慰申命
禮官在臨宣諭竊念

先帝之山陵未畢

皇上之哀慕方深強扶衰羸勉從事遷延彌月轉益舊病敢貪廊廟之榮實切山林之望况老當致仕非以爲名而病冀得閒本其至願伏望

聖慈蚤賜俞允

上曰卿累朝元老德望素隆翊戴贊襄功在社稷今方勵精圖治虛懷倚毗宜益竭忠誠展布四體以成維新之化豈得引疾求退仍命鴻臚寺官造其第諭留之

十月己卯朔辛卯禮部尚書毛紀上疏乞休

上優詔不允○庚子大學士蔣冕自言奉職無狀乞

罷歸

上曰卿忠誠端亮內外推重

先帝初欲南巡屢與同官跪門諫止後在南京又數上疏請回朕在藩服已知卿名邇來翊戴匡扶功在社稷新政之初方隆委託豈可求去冕復言昨侍郎吳廷舉自劾有愧古人者數端其一則指臣隨侍

先帝南巡之事臣念廷舉與臣自布衣交好迄今四十年同第進士列官中外亦三十五年每歲通書問者凡數次前臣扈從南巡廷舉亦有數書及臣

矣其間多獎借之詞無片言及時事今乃追論前事蓋謂臣既失職於

先朝當勇退於今日處臣朋友大義當然廷舉蓋有志於古人之道也使臣不亟掛冠而又何以謝廷舉

上曰卿在

先朝隨事納忠曲盡心力事朕以來知無不言言無不盡朕心喜悅倚任方隆吳廷舉一時過激之言何足介意因命吏部趨冕亟出視事

十月己卯朔丙午召至太子太保戶部尚書兼武

英殿大學士費宏照舊入閣辦事

十一月己酉朔庚戌加太子太保戶部尚書兼武

英殿大學士費宏階少保宏疏辭

上不允優詔答之

○嘉靖元年三月戊申朔壬申勅吏兵二部朕入繼大統賴爾内外文武勲戚大臣定策迎立各宣忠悃保安社稷今山陵及徽號大禮事畢宜加殊恩以答元功大學士楊廷和蔣冕毛紀首先定策忠義大節功尤顯著俱進封伯爵給與誥券子孫世襲食祿一千石餘官如故俱在內閣辦事○大學

士費宏廕一子錦衣衛指揮使世襲各屢疏懇辭上皆溫旨褒答不允已復力辭至以去就決之始命改廕錦衣衛指揮等官廷和等仍堅請不受

四月丁丑朔戊戌廕大學士費宏子懋賢爲國子生以先任三品考績恩也

五月丙午朔兵部尚書彭澤等上言近覩勅諭錄定策之功封拜恩廕多至五十三員官爵太濫今大學士楊廷和等懇辭之疏至四至五等因得

旨楊廷和等准辭伯爵在朕心尚快然楊廷和再廕一子四品文職蔣冕毛紀五品文職各一人費宏

廕一子七品文職俱世世承襲廷和仍進二階冕紀宏各進一階庶稱報功之典以昭于永久其餘各官祿廕俱已有成命所司卽擬授職以聞勿更瀆擾○癸亥大學士楊廷和蔣冕毛紀等各上疏辭免恩命

上曰朕念國統未定事勢危疑之際卿等能同心協謀請於

昭聖慈壽皇太后早決大策以安宗社其時逆賊江彬稔惡負罪尚握重兵心懷不軌禍機難測卿等又能乘時擒獲不動聲色潛消大變使朕雍容入

朝傳序繼統中外晏然弘濟艱難功勞茂著考之前史漢文帝宣帝繼承大統之後亦嘗加封丞相陳平周勃楊敞蔡義等邑戶我

太宗文皇帝以尚書茹瑺有默相事機之功亦進封忠誠伯况律云出將入相能除大患盡忠報國者同開國功勳一體封拜朕前勅封爵義不爲過第重違卿等雅志已如所辭朕心快然賜宴進階及文職錄廕畧示朕報功之意卿等宜勉承恩命不必過爲高潔以傷朕懷所辭不允○丙寅大學士費宏疏辭恩廕言臣於決策迎立實無毫髮之與

併褒賞內愧於心

上曰卿以碩德舊學輔佐

先帝嘉謨入告備竭悃誠隨有納忠賢勞茂著逆濠護衛之請昌言沮止觸忤權奸遭讒去國朕在藩邸已知卿名新政之初首先召起邇者勅加錦衣衛指揮世襲之廕用酬舊勞誼不爲過卿抗疏力辭重違雅志乃改廕正千戶朕心猶以爲歉再加文廕賜宴進階畧示優眷卿宜勉承無過辭以爲高潔所辭不允

六月丙子朔壬辰修

康陵工完華蓋殿大學士楊廷和引疾乞休

上以廷和耆德元臣功在社稷溫旨固留之仍諭勿

再辭

十二月癸酉朔戊子兵科給事史道已陞山西僉

事上言臣頃在諫垣常指目大學士楊廷和為漏

網元惡草劾欲上為廷和所覺亟出臣外任臣誠

無狀恐一旦得禍以憂臣母惟

陛下賜之致仕全臣母子微生因以原奏封上具言

廷和交通逆濠諂附錢寧江彬納賄專權之罪且

云

先帝自稱威武大將軍廷和未嘗力爭今

興獻帝一皇字考字乃欲以去就爭之實為欺罔廷

和上疏自辯因乞致仕

上曰卿以正學直道輔佐

先帝隨事匡救備竭誠恤力阻護衛諫止巡遊以死

自誓不附權幸不作威武大將軍勅書綵帳先年

聞父計旬日之內連章乞歸終制忠孝大節中外

共知及國勢危疑之際又能計擒逆彬俟朕從容

嗣統功在社稷更化以來議處大禮釐革弊政誅

逐奸黨褒進忠賢知無不言罔顧利害勲望隆重

朝野稱述簡在朕心方切倚毗豈可偶因一人讒
佞排陷之言輒求休退鴻臚寺其往諭朕意今卽
出供職不允所辭史道已陞外任却乃挾私妄言
顛倒是非巧佞迎合摧辱大臣變亂國是吏部亟
叅看以聞既而吏部尚書喬宇論道挾私罔言乞
正其罪

上下詔獄兵部尚書彭澤亦奏廷和定策討逆忘身
盡忠乃爲史道所構引嫌乞休大臣人不自安因
劾道嘗力揀奸黨許泰張宏王瓊陸完自知素行
不齒士論猥以縛擊當路籍口爲言真奸人之雄

不可不治

上曰楊廷和事朕以來輔德佐政備竭忠誠剪除奸
逆不顧身家之禍定策翊戴有功不居誠古社稷
之臣朝廷方切倚毗鴻臚寺官宜往諭朕意卽出
供職史道摭拾浮言橫肆誹謗大傷國體沮壞新
政已有旨逮治中間果有朋奸黨惡納賄實跡具
訊本末以聞今災異頻仍正上下交相驚戒之時
若讒佞得志公議不明正人君子不安其位相率
避嫌求退天下治亂安危之機所係此豈國家之
福覽奏具見卿忠憤所激爲世道遠慮奉公體國

至情今後吏部務求學行老成識達治體之人選
補科道其言官獨本參奏除大奸大惡機密重情
之外餘皆從公會本具奏不許挾私沽譽報怨市
恩中傷善類違者許本衙門掌印官并各衙門堂
上官具奏吏部仍稽察各官所言當否量爲黜陟
以昭平明之治○庚子大學士楊廷和復以衰病
上疏乞休

上曰卿朝廷元臣德望素隆出處進退係國輕重近
因連疏乞休朕念卿以經濟宏才匡弼先朝輔佐
新政備嘗艱險曲盡心力轉危爲安功在社稷孤

忠大節中外共知已屢有旨慰諭爲天下留卿奈
何復有此奏至以老病爲詞覽之良用憮然吏部
宜往諭朕意輒起就職用副朕拳拳至懷所辭不

允

護衛之准事有可疑
史道之言未嘗無據

○嘉靖二年九月戊辰朔甲戌大學士楊廷和以一
品十二年考滿命加太傅賜宴禮部廷和具疏辭
不允○庚辰大學士楊廷和再疏辭加官

上曰卿元勲耆德望重台司弼亮忠勤多歷年所功
存社稷澤在生民穹秩特加用彰殊眷乃以盛滿
爲懼懇辭至再具見勞謙成命已下宜卽勉承朕

意從容展布贊成嘉靖之治再不必辭○癸未大學士楊廷和三疏辭加官

上曰朝廷設三公之職以待忠賢共圖化理卿匡輔先朝贊襄新政備竭忠力茂者忠勤勲績既多特加穹秩資望允宜何乃屢陳懇悃至以引去爲辭鴻臚寺便往宣諭宜祇承恩命卽出供職用副眷倚至意慎勿再辭○丙戌大學士楊廷和四疏辭加官

上曰朕以卿忠誠體國爲時元勲崇德報功宜加異數而乃具疏辭免至於再四實出悃悞至情朕不欲強特允所辭以成卿勞謙之美

○嘉靖三年正月丙寅朔甲午先是司禮監傳聖諭命大學士蔣冕等撰寫勅書差官織造冕等以南直隸災傷重大具題請止至是以久不進藁上命司禮監官促之且謂冕等忤慢冕等具疏引罪得旨宥之

○嘉靖三年二月丙申朔甲寅大學士蔣冕疏乞休致

上曰卿德望素隆忠勤懋著密勿重地方切委任不允

食開類錄 卷之六
三月丙寅朔壬午少保兼太子太保戶部尚書武英殿大學士毛紀乞休

上優詔褒答令卽出供職以副倚注至意不允辭

五月乙丑朔乙卯命吏部尚書兼翰林院學士石珪兼文淵閣大學士入閣辦事珪辭

上優詔褒答不允○丁亥以吏部左侍郎賈詠兼翰林院學士在內閣管理誥勅

八月癸巳朔丙午吏部議致仕大學士毛紀辭封改廕恩典宜如大學士楊廷和蔣冕例詔廕一子爲錦衣衛指揮同知世襲○乙卯吏部左侍郎兼

翰林院學士賈詠爲禮部尚書兼文淵閣大學士內閣辦事詠疏辭不允○己未廕大學士賈詠子萱爲國子監生以前任考滿恩也

九月壬戌朔癸亥以禮部左侍郎吳一鵬兼翰林院學士專管內閣誥勅仍掌詹事府事○乙亥補廕致仕少傅大學士謝遷子巨故禮部尚書劉春孫起東入監讀書

十月壬辰朔辛亥大學士費宏以疾乞假旬日上曰卿有微疾宜朝夕慎護以副朕懷今多事之時方倚卿圖治未可卽安所陳不允

○嘉靖四年正月庚申朔戊辰命致仕少傅兼太子太傅吏部尚書武英殿大學士楊一清改兵部尚書兼都察院左都御史少傅兼太子太傅如故提督三邊等處軍務初給事中鄭自璧言三邊宜設總制

上命擇人任之至是廷臣會薦一清及兵部尚書彭澤南京兵部尚書王守仁

上特命一清往

四月庚寅朔甲午大學士費宏石珪賈詠以仁壽宮災各自陳不職乞罷

上曰修德彌災上下同之卿等引咎自責具見誠意所辭不允

六月己丑朔丁卯太子太保禮部尚書武英殿大學士石珪上疏乞休不允

十一月丙辰朔辛巳初御史吉棠以內閣大學士費宏與席書有隙因薦提督三邊楊一清宜召還內閣以調護

聖躬消融朋比詔許之右給事中章僑上疏曰棠輕視三邊危視朝廷其言若有爲而發者獨不聞一清先年自三邊而吏部而內閣乎卽其所爲幾至

狼狽豈云今日克盡前愆况左右前後延頸抵掌豈無誤一清以誤朝者安在其護

聖躬而消朋比也臣謂今內閣可無一清而三邊不可無一清今留之於邊所以愛朝廷亦以愛一清也給事中鄭一鵬亦言一清初在三邊雖稱其賢在吏部內閣時通賄賂壞選法交結逆寧廖鵬錢寧不可用也章俱下所司已而兵部郎中楊儀言西陲方議調兵征勦西海虜寇及處置土魯番事未定一清未可動且三邊重任茲會推彭澤王守仁皆不足以當

上心則三邊提督莫宜于一清者茲用內閣殆非陛下用一清之意亦非一清所以自用之意也疏入上以僞妄言輕率切責而貫之後御史侯秩亦上疏諫止且言欲廣求將相必謝遷彭澤其人乃可上曰朝廷召用輔臣自有酌處侯秩狂妄撓瀆必有朋使之人顛倒誣薦故亂成命姑降二級遠方用尋補四川富順縣縣丞

十二月乙酉朔癸卯大學士費宏以疾乞假調理上不許再請乃許之仍諭以病稍愈卽赴閣辦事以副重託

閏十二月乙卯朔丁卯提督軍務少傅兼太子太傅兵部尚書兼都察院左都御史楊一清上疏自陳其畧曰臣自度行不足以孚人才不足以用世言官所指必得其真但謂臣有窺伺舊任之心竊以大臣進退皆出

宸衷臣縱有是心將孰與謀何所致力况位至孤卿已是文武之至極年逾七十自知來日之無多而乃徼望外之榮臣雖庸愚決不爲是但謂臣目昏力衰邊陲之任亦非所宜數語雖臣自言亦不過此伏願念秘閣要地不宜付之匪人容令休致以

全晚節

上曰卿內閣舊臣譽望隆重豈可久勞于外故茲召用何乃以人言疑沮遽求休致宜卽來供職不允辭

○嘉靖五年正月甲申朔癸卯提督軍務少傅兼太子太傅兵部尚書楊一清復辭免內閣新任又以被劾乞休

上優詔趣令赴召不允辭

二月甲寅朔癸未大學士楊一清三上疏引疾乞休言臣至邊之日經營士馬防禦虜寇不敢自怠

期收安攘之功然後乞骸歸故里今未及期年一切邊務粗舉其槩而未究厥用方謀諸始而未要其成乃遽蒙召還臣心猶且自駭無惑乎羣議之紛紛也夫樞要之地未免招嫌流言之傳易惑難解而臣年益衰疾益甚安能以難驅之筋骨冒未明之物議哉疏奏

上復優詔慰留趣令赴召

四月癸丑朔壬戌詹事府詹事桂萼張璠奉許大學士費宏實受陳九川所盜貢玉又嘗受鄧璋彭夔之賄及居鄉不法事宏上疏自辯以爲九川之

玉已有明旨處分可以勿論若鄧璋璠制實由九卿會推起用而其餽玉乃在一年之前璋不能預知臣不能專主也彭夔循謹廉平年力可用第以科場與御史爭席致招讒毀故臣與同官公議擬留非爲私也桂萼等所以攻臣者緣近日選取庶吉士例有教習官二員而二人皆不得與故有憾於臣乃遂陷臣以贓罪不已甚乎天萼璠之挾私而攻臣者屢矣不得爲經筵講官則攻臣不得與修

獻考實錄則攻臣不得爲兩京考試官則攻臣今不

得教書則又攻臣臣多病無才豈能復與新進爭
勝久履危機但恨

皇考實錄未成臣之心迹未白所爲戀戀闕廷者爲
此耳萼璉又誣及臣先坐被發從兄受禍皆以爲
居鄉不檢所致不知此皆宸濠欲復護衛惠臣沮
議陰嗾鄉人爲之惟

陛下憐察

上曰卿所奏事情業已處分明不必深辯宜卽出視
事以副重託

五月癸未朔庚子勅提督三邊兵部尚書左都御

史楊一清復吏部尚書武英殿大學士加少師仍
兼太子太傅與費宏同內閣辦事已一清復引疾
固辭

上仍優詔褒答不允趨令赴召

○嘉靖六年二月戊申朔庚午大學士楊一清等言
內閣叅預機務貴在得人而首相爲九重宏旣去
以次當及臣臣學問空疎行能淺薄歷任雖久在
外居多國體朝章未能練習伏思

先朝舊臣惟致仕少傅兼太子太傅禮部尚書武英
殿大學士謝遷尚在本官在

食醫類錄卷之十一
孝宗朝簡居內閣十有一年器局凝重學行精純誠
士林之表望正德初年以直道見忤擯斥家居十
有六年天下想望其風采今其年雖長臣數歲聞
其耳目清明步履強健與中年無異起而用之於
聖政必有裨補臣聞之書曰無遺壽考又曰人惟求
舊蓋老成之臣閱世滋久涉歷獨深聞望足以服
人議論足以定國如唐之郭子儀裴度皆以八十
之年身係天下安危宋文彥博年九十二被召平
章軍國載諸史冊以爲美談

上嘉納其言遣行人賁勅召遷馳驛來京入閣辦事
仍令浙江鎮巡官卽遷家敦趣起程以副朕虛席
待賢之意

三月戊寅朔甲午陞禮部右侍郎翟鑾爲吏部左
侍郎兼翰林院學士內閣辦事鑾爲講官久

上留意用之會閣臣缺命吏部會推學行老成素有
譽望者初疏尚書吳一鵬羅欽順朱希周侍郎劉
龍四人命再推以鑾及侍郎顧清詹事董玘名上
特詔用鑾疏辭

上曰卿學行素著久侍講筵開陳善道特茲簡任宜
承命勿辭

六月丙午朔丙辰致仕少傅兼太子太傅禮部尚書武英殿大學士謝遷疏辭詔命

上曰任賢求舊惟朕本懷納誨輔德尚資耆碩且聞卿精力未衰宜勉爲朕一出以副眷倚至意勿再辭仍令鎮守巡按官敦趣就道

八月丙午朔甲寅初以陝西之捷推功大學士楊一清命大學士賈詠擬勅加恩一清既疏辭

上遣內臣諭曰昨因陝西提督諸臣奏報克捷以卿先任提督選將練兵分布要害故能收今日之功朝廷論功加恩豈爲過典卿何乃預爲辭讓宜卽

承命以稱朕報功之典抑且示勸將來乃加特進左柱國兼華蓋殿大學士餘官如故兼支二俸廕一子錦衣衛百戶世襲一清復上疏固辭以陝西之捷寔

陛下神威聖德諸將協力成功雖王憲不得專美豈臣身在朝著可得攘爲己功且殿學非賞功之官武廕非無功可受

上察其誠懇聽其辭免錄廕餘如前旨一清復上疏辭兼支大學士俸

上曰敘功加恩乃朝廷爵報之典况卿密勿舊臣者

紅花膏

麝香膏

冰片膏

排草膏

青蓮膏

御醫類錄卷之十一

十一

俊碩德望隆中外才鎮華夷及輔朕躬竭誠贊佐
朕所不逮匡弼良多宜承眷命勿得固辭○癸亥
少保兼太子太保禮部尚書武英殿大學士賈詠
稱疾乞致仕

上許之命給驛以歸時詠以通書馬祿上疏引咎
上雖不罪詠內不自安故求去

十月乙巳朔戊申命兵部左侍郎兼翰林院學士
張璫為禮部尚書兼文淵閣大學士入內閣辦事
璫疏辭

上曰卿才行超越學識純正朕簡授內閣正賴匡弼
以輔德翊治宜即赴閣供職以副眷懷璫辭免署
都察院事

上曰卿署事以來克盡心力竭誠理政以贊朕治若
更命一官恐仍前弊變卿所行可不妨內閣纂修
兼掌院事如故夫

祖宗創建朕與卿圖復舊政以澤斯民恐卿未知今
密諭之已有旨令周倫佐理院事凡雜行事務及
承旨奏事皆倫代行旋命璫充明倫大典總裁及
進講大學衍義侍班官○庚戌時侍郎溫仁和得
請歸省東閣掌管誥勅員缺輔臣張璫請以禮部

官制類錄卷之十一

十一

尚書桂萼

上曰

祖宗舊制無東閣官後來添設不知始自何年不如革之便璉奏按會典凡內閣所掌文官誥勅正統間以學士專管後久不設弘治七年復設如石琚以吏部尚書兼學士管誥勅賈詠以吏部侍郎兼學士管誥勅俱得挨次入閣所以求爲此官者多近因吳一鵬不用入閣人心稍疑而溫仁和又求歸省矣臣謂此官實內閣私門况誥勅彼無一字之勞徒建虛名以希幸進

聖諭欲革去此官誠爲至當遂罷不設○乙丑少傅大學士謝遷旣至不拜上疏辭

上曰卿先朝耆舊譽望素隆朕采公議特茲召用宜勉承朕命遷乃就職○命大學士謝遷充明倫大典總裁官及經筵日講侍班

十二月甲辰朔乙丑大學士楊一清以目疾遂請老

上曰卿內閣元臣朕倚托至重正宜贊朕共圖至治以安下民此朕所深望於卿者何可以求退爲言目疾宜善治之愈日卽出視事遂命太醫院院判

許紳視疾於家又遣中使賚賜猪羊酒米諸物
辛未

上以大學士楊一清病目未出特賜諭札曰卿疾稍
愈便可赴閣視事新春伊邇望卿良切不必報名
廷謝祇以何日赴閣具疏來聞一清因上疏謝明
日當力疾赴閣禮宜廷謝但咳嗽時作不能致詞
惟

陛下優容

上優詔答之免其致詞行禮

○嘉靖七年正月甲戌朔癸未

上降手勅加禮部尚書兼文淵閣大學士張璁吏部
尚書兼翰林院學士桂萼俱太子太保璁萼疏辭
上皆優詔答之而更加璁少保兼太子太保時

上方有事郊壇璁萼詣候廷謝畢乃敢受命

上曰古者人君接大臣無時上下乃交旦日扈從齋
宮即可出謝不必陛見○丁酉大學士謝遷自陳
年已八十在位無補乞放歸田里

上優詔留之不允

二月癸卯朔甲寅大學士謝遷以疾在告

上遣醫診視并賜酒米○辛未大學士謝遷復引疾

乞致仕

上曰朕禮賢求舊故用輔臣之薦虛席待卿冀臣弼朕躬贊相化理豈得因以疾辭可卽出供職

八月庚子朔戊申先是

上偶感微寒大學士楊一清在告具本問安

上答諭朕躬已安再靜養數日於初九日視朝卿亦宜以是日出後遣鴻臚寺官鄭舜趣之免其謝恩至是一清以疾未愈復上疏陳

上報聞諭調理痊可卽出未幾又疏請骸骨益切

上曰卿屢疏懇切朕非不相體且卿年高亦不應煩

以事務但朕倚眷欲終始輔導交修况卿懋才重德方賴資佐以成嘉靖之治宜欽承意慎勿辭鴻臚寺官卽往諭朕意

○嘉靖八年二月丁卯朔癸酉命少保兼太子太傅吏部尚書兼翰林院學士桂萼兼武英殿大學士入閣辦事萼上疏辭免

上曰卿性資忠謹學正才優自擢銓曹克修厥職特茲簡任密勿賴之輔贊朕躬匡持不逮以奉天行政莫我庶民宜卽欽承慎勿再辭

七月甲午朔乙未兵科給事中孫應奎疏劾大學

士楊一清張璁桂萼

上曰一清舊德宿望朝廷倚毗近者屢疏乞休朕未之許其安心辦事璁同寅協恭不宜偏自恃萼建言大禮多効勤勞專恣大甚其洗滌宿過以體朕懷以全君臣終始之義俱視事如故已而一清又上疏求去言臣等議政事看詳奏牘協心之見固多齟齬之忠不免或諾陰沮莫測其端或心知其非力不能奪低回遜避多務包荒負國之罪實在於此

上諭之曰卿輔導元臣高年博學敷歷中外練達政體屢疏乞休朕已慰留鴻臚寺其再往意諭朕趣出供職卿宜展布忠誠盡心匡輔秉公持正以為率先庶副倚毗之重慎勿再辭璁萼亦自陳

上諭璁曰卿性資剛速或傷於過宜所以濟者以協恭輔朕贊理化機豈可因言求退諭萼曰卿質任寬迂因物致論宜加修飭以副眷任有疾善加調理稍愈即赴閣其勿辭○己亥大學士楊一清復上疏乞休

上答曰卿屢辭已有旨慰留謀身者如是而未見謀國如何豈愛朕不如愛身耶宜即出供職副朕眷

注之意一清聞命惶懼不敢復言爲辭避以尚疾
乞免陛謝許之并免外班行禮○丁未大學士桂
萼再上疏乞休

上曰卿讀書見理但所行事亦須共協商議勉徇公
論合於事情庶前日之忠不爲自負不必深辯病
痊卽出供職以副朕任用之意○癸丑禮科給事
中王準劾大學士張璫所舉通州叅將陳璠桂萼
所舉御醫李夢鶴皆私人宜罷黜且乞戒璫萼勿
私偏比以息人言

上命所司查奏初萼乞休未允至是璫復稱疾

上曰卿素忠謹簡在朕心準所言已令查奏卿不必
辯不得因是推避負朕所託已而禮兵二部言夢
鶴以考選璠以薦用俱非有所授

上置之仍命所取醫士恐未精太醫院更考以聞毋
有所避○乙卯大學士張璫以旬日間兩遭論劾
再疏乞休曰三讓而進一辭而退大臣之道也今
爲大臣者能書百忍甘受萬辱假恩僚屬以結其
心納交科道以滅其口卒之大道不行公議不立
有少自樹者則羣謗叢至始臣議禮時言者無慮
數百章所以甘犯衆怒而不忍去者爲典禮之未

成也今

聖孝已遂臣宜去矣人雖無言猶將愧之况有言乎
上曰卿學博才優忠誠素著朕所簡任非止以議禮
一端且父子天性方朕冲年寡昧爲人所欺
皇天垂鑒俾卿開朕心志贊成大禮卽以此用卿亦
朝廷報功之公典未爲害也卿其勉盡輔導之職
匡朕不逮不允辭

八月甲子朔丙申工科給事中陸粲言大學士張
璉桂萼兇險之資乖僻之學曩自小臣贊議大禮
蒙

陛下拔寘近侍不三四年位至極品恩寵隆異振古
未聞雖捐軀隕首未足以報乃敢罔上行私專權
納賄擅作威福報復恩讐璉雖狠愎自用執拗多
私而其術猶疎爲害猶淺桂萼外若寬迂中實深
刻伎忍之毒一發於心如蝮蛇猛獸犯者必死臣
請姑舉數端言之尚書王瓊姦貪險惡在正德間
交結權奸濁亂海內罪不容誅而萼受其賂遺鉅
萬連章力薦璉從中主之遂得起用乃爲之言曰
使功不如使過瓊雖有過才不可棄昌化伯邵杰
本以邵氏養子爭襲伯爵人所共知而萼受其重

賂力爲主張竟使奴隸小人濫膺封勲戚世胄羞與爲伍萼所厚醫官李夢鶴假托進書寅緣授職與居相隣內開便門往來常與萼家人吳從周及序班桂林囑事過錢道路之人人皆知之又引鄉人周時望爲文選司郎中通同鬻選時望旣去代之者胡森森與主事楊麒王激又皆輔臣之鄉里親戚銓選要地盡布私人陞黜予奪惟其所欲萼與選僅年引用鄉故不可悉數如原任工部尚書今致仕劉麟其中表親也禮部侍郎嚴嵩其子之師也僉都御史李如圭由按察使一轉而徑入內

臺南京太僕寺少卿夏尚朴由知府期月而遂亞卿寺禮部員外郎張敵通律歷而假以結知懷金錢而爲人請託御史戴金承望風旨甘心鷹犬此相萼之親黨相與比周爲奸者也禮部尚書李時柔和善逢狡猾知南京禮部侍郎黃綰曲學阿世虛談眩人右諭德彭澤寅緣改秩玷躡清華此皆陰厚於聰而陽附於萼者也諂佞之輩相帥成風人心士習敗壞極矣萼等威勢旣大黨與又多天下畏之重足屏息莫敢公言其非不亟去之臣恐凶人之性不移怙終之惡益甚將來必爲社稷之

憂伏望

皇上下奮乾剛速加誅竄仍將其心腹及諸阿諛之徒重加懲治庶幾公道昭明人心痛快

上覽奏批云朕昔以大禮爲未明父母改稱時張璫首倡正義奏聞更復後桂萼贊議自禮成之後朕授官重任蓋以彼盡心救正忠誠之故今彼既頓失前志肆意妄爲負君忘義自取多愆朕不敢私張璫乃以本職令回家深加省改以圖後用桂萼革去散官及學士職銜以尚書致仕周時望李夢鶴桂林吳從周令法司逮問劉麟革去新陞職銜

令以原職致仕不許起用黃綰彭澤等并桂萼在吏部所選大小官員除堪用者弗問但有私厚不堪用者吏部會同該科官從公查奏定奪李時安心辦事邵杰嚴嵩李如圭罷繁旣居言官何不早奏坐觀至此乃却上言非本心之忠也下法司逮問尋命璫馳驛去

九月癸巳朔

上勅吏部輔臣張璫近有旨着回家今缺官辦事急難得人朕方卽位首得璫贊議朕孝厥後乃獲正天倫之序完父子之親皆璫之力助贊成者也可

飭閣類錄 卷之六
令復任辦事差行人賁勅守催前來以慰朕眷注
之意是時璫始行至天津行人周禕奉勅諭之曰
卿以通博之才貞一之學首建正議贊朕冲人以
成大禮擢卿輔弼之任裨益良多近因人言乃令
還籍實朕保全之意今輔導缺人賁理機務卿宜
疾速返途勿得推延辭避匪止誤事且負朕意卿
其欽承璫疏辭

上曰卿忠誠素著輔朕愛國效績良多近令卿歸以
避言耳其卽復任辦事毋得遷延違負君命璫復
上言

皇上召臣之還蓋將責以輔治也使臣披靡以從衆
未免欺君誤事雖進無益或謬以違衆且至構
怨滅身恐將來欲退無及矣臣之進退實爲狼狽
惟

聖明察之

上答曰卿云于衆從違爲難但惟一于持正秉公而
已慎勿過慮○甲午大學士楊一清再疏乞歸言
臣歷事

四朝久叨榮寵分量已過雖濫冒過情之譽亦時被
不根之毀卽今兩目昏膏視物如霧兩足軟弱行

立艱難過爾淹延非惟不能復覩
天日亦恐不得生還鄉里伏望

皇仁徧覆大造曲成哀此殘朽無庸於世之人放歸
田里幽閒苟活之地臣雖卽填溝壑無餘憾矣

上曰卿

累朝耆舊輔導首臣朕深切倚毗不必自生疑阻堅
欲求去鴻臚寺其以朕意往諭超令卽出辦事

戊戌大學士張璠至京廷見畢未謝恩

上諭以閣務繁重令卽日赴閣辦事璠疏謝○辛丑
光祿寺少卿史道上言

上覽而嘉之曰內閣大臣責任最重朕所深倚宜同
心共事協恭盡職秉公持正助贊治化陳善閉邪
以輔君德容衆以量受言以弘勿懷私嫉忌以取
愆違庶乎君德賴之以成治化以之而興澤溥下
民功施社稷忠節譽望非前代諸臣所能專美豈
不偉歟輔臣於道之疏朕之言宜加思勉勿負朕
意已而一清璠各上疏陳謝報聞○癸卯詹事霍
韜疏乞給假省母因言臣遠離有期餘恫未布前
陸粲劾桂萼納賄爲用王瓊蓋由近日臣僚皆欲
傾萼故借瓊以污蠱之夫萼雖荐瓊實爲揚一清

沮止

陛下因臣言極力奏薦乃遂用之萼薦而不用臣薦而遂用今言不劾臣受賍而誣萼蓋萼任事獨勇任怨獨多爲衆所嫉故獨誣之使誣萼之計得行則移以誣臣不難矣此臣僚之心也言官之策也竊聞刑官今猶威逼吳從周桂林等構成萼之賍罪蓋希望風旨危人以圖全夫未奉

聖明再勅之先其構此謀猶可言也今奉再勅

陛下蓋已洞知陸粲所言之誣凡善類多蒙辯雪乃吳從周等猶被威逼何也豈刑官不畏

陛下獨畏科道也豈刑官謂

陛下猶可欺侮姦賍柄臣獨不可觸也瓊蒙恩起用在邊凡二年請討錢糧惟五百二十萬而止一清起用未到邊卽奏發太倉銀三十萬兩鹽三十萬引瓊有此浪費乎臣前疏畧述一清賍罪皆有指名皆有實跡然猶不敢盡述者懼辱國體也今刑官欲逼吳從周等証萼罪賍必將瓊與萼逮赴京師同鞫面質乃可辨明有無臣所開具一清賍罪亦乞將一清及賍証人等叅提同臣面質如一清萼實有賍賄卽顯戮於市爲大臣奸污之戒臣與

陸粲妄言亦顯戮於市爲百官欺罔之戒如刑部黨附循私亦顯戮於市爲百官奸黨之戒如此則法度人心警畏亦致治一大機也疏入

上答曰爾所言事朕以悉知近年法官妄構冤獄自取禍敗朕屢有旨禁論頃有勅降戒百官勿立黨邪以傷善類往往不遵桂林等奉旨下引以彰公道問之既無實情卽當回奏以俟處斷周倫等乃不從公審鞫屬官陳之良又刑逼招承任意羅織此事仍令三法司會同錦衣衛鎮撫司詳詢以聞楊一清位居內閣輔臣之首乃大肆納賄不畏人

言甚非大臣之體但念耆舊法司卽會官議奏處置爾亦卽出用心辦事不准給假○戊申詔致仕吏部尚書桂萼復少保兼太子太傅吏部尚書武英殿大學士仍舊致仕○辛亥刑部尚書許瓚等會官議大學士楊一清官居內閣秩首輔臣起自廢閒受國厚寵正宜清白持身忠誠輔職乃晚節昧知止之幾衰年忘在得之戒大肆納賄不畏人言殊失大臣之體但係

累朝耆舊內閣重臣

聖明卽位之初首先召用今其去就實爲國體所關

宜將一清罷削官秩放歸田里或令其休致以示優容

上曰一清歷侍

累朝舊臣重望朕卽位之初首先召用何乃身任大臣不顧名節恣其貪婪深負朕懷眷之意法當追究但念事關國體輔臣張璫以爲涉嫌三疏奏朕寬處今屈法從寬一清着自陳初法司會議疏上上諭內閣曰朕惟一清

累朝耆舊朕素禮待未可以羣臣比况嘗維持正倫亦與卿璫等相信同心輔朕今迺不顧晚節貪婪無耻贓迹顯著故以大臣故下九卿議朕豈不知古者重大臣以其近君但爲大臣者每恃之而敢犯法今當正法而使知警卿璫必嫌于預此卿鑾其擬票以聞璫乃上疏曰一清得罪情由臣曾兩請

皇上寬法處之奉旨下法司會議仰見

聖明欲採公論處之以道茲諸臣覆奏未奉

宸斷重煩

聖諭下頒臣伏讀三思豈惟一清感愧臣亦感愧不勝切念議禮之初一清家居見臣大禮或間極稱

爲正倫以釋羣疑及臣同席書等被召一清又嘗
爲書勸席書宜速北上以定國是當羣議喧騰之
時得老成大臣贊與一言所助亦不少矣伏望
聖恩體念一清功過所宜相准特賜寬法處之况臣
復任之初而一清有此事又因霍韜所奏中外臣
工不能無疑但全一清實所以保全臣等也至是
上答曰卿三爲所陳辯朕知已楊一清昔贊議禮不
爲無功朕已後寘區處卿宜安心供職慎勿介懷
是非曲直久自明耳卿承朕此意

十月癸酉朔辛未大學士張璉言內閣設官止備

顧問後加以代言擬旨遂招權納賂從來內閣之
臣鮮有能善終者蓋密勿之地易生嫌疑代言之
責易招議論甚非君臣相保之道也伏乞體念
祖宗之制宜有所處或下廷臣集議以建國家長策
全君臣始終

上曰覽奏具見克難至意卿宜安心盡職匡朕弗逮
○十一月 朔庚子召大學士桂萼復任時史館
儒士蔡圻上疏誦萼功請召還之

上曰萼前建言大禮贊成朕孝功不可泯頃以人言
遂令致仕其亟召還撫按等官催趨上道乃賜萼

勅曰卿性資篤實秉心忠誠先年建言大禮贊成朕孝功不可泯頃因人言着令致仕實俾保全見今內閣缺官辦事特召卿照舊供職勅至卿宜上緊馳驛前來以副朕眷注之懷勿得辭避遲違

○嘉靖九年四月庚申朔癸亥起用大學士桂萼行至徐州以疾辭得

旨卿趨命在途具見忠敬宜速來供職以副朕懷有疾沿途善加調理毋再辭○丙寅革原任大學士楊一清職閑住以張永兄弟事累及也○巳卯原任少保兼太子太保吏部尚書武英殿大學士桂

萼至京命照舊辦事○大學士翟鑾再疏乞終養不允

六月巳未朔辛未大學士桂萼以患病日久奏乞住俸調理

上曰卿疾宜慎加調理俸不准辭
七月戊子朔甲辰

上遣太常寺卿魏境臨視大學士桂萼翟鑾疾且命病痊卽出視事

八月戊午朔辛酉大學士翟鑾以在告二月疏請辭俸

上不許仍諭其病痊卽出視事

九月丁亥朔甲寅大學士張璉有疾

上遣太醫院院判許紳御醫林鳳往視之諭令稍愈卽出供職

○嘉靖十年七月壬子朔戊午行人司司副薛侃上言

祖宗分封宗室留親王一人在京師鄉俗呼爲守城王云云

上曰侃狂妄奏瀆大肆姦惡法司會文武大臣及科道官逮至午門前追究明白要見舊典載何

祖訓所言親王必有交通及主使者一一具實以聞侃與太常寺卿彭澤少詹事夏言同爲丁丑進士是時言數以事忤大學士張孚敬孚敬不能堪以上意嚮之未有以中也澤以議大禮故結驩張桂孚敬遂爲腹心謀所以傾言者侃爲是疏且一年初以示光祿卿黃宗明宗明止勿上一日出示澤澤懷其稿以告孚敬謂儲事

上所諱而侃與言同年若指侃疏曰言所爲則罪不可解矣孚敬以爲然澤尋語侃張少傅喜公疏謂國之大事其亟上之當從中贊成之乃與之期日

御閣類錄卷之八
九三
孚敬因先錄侃稿以進謂出于言且云編修歐陽
德見侃疏亦以爲可進引中允廖道南謂言交結
江西王府有迹請

上且勿發以待疏至已而侃猶預欲止其事澤救趣
之疏入

上深怒命法司會多官廷訊却得其情

上乃釋言出孚敬密疏二示羣臣斥其伎罔于是科
道劾孚敬等明日接奉

初諭輔臣張孚敬初以建大禮朕特不次進用旣而
被人彈劾有旨令其省改却乃不慎於思罔悛於

性朕以心腹是托奚止股肱而已望以伊傅之任
豈惟待遇是隆乃昧休休有容之量犯戚戚媚嫉
之科殊非朕所倚賴專於忌惡甚失丞弼之任難
以優從着致仕去○辛未命致仕大學士張孚敬
給驛回籍從大學士翟鑾請也

九月辛亥朔丙寅命太子太保禮部尚書李時兼
文淵閣大學士入閣辦事時疏辭

上曰卿性資忠謹學識深長輔導重任特茲委用卿
宜悉心展布匡朕爲治俾朕修身講學以事天安
民

食肉類金 卷之十八 九十四
十一月辛亥朔丁丑遣行人周文燭賚勅召致仕少傅兼太子太傅吏部尚書謹身殿大學士張孚敬復任辦事令亟乘傳赴闕又以勅促之曰朕聞君臣相與自昔爲難卿以赤誠輔朕朕亦以腹心是託不意一時被惑自陷干過舉朕不敢私特令卿致仕以避人言自卿去後切軫朕思

聖母嗟問亦數次矣夫人誰無過矧臣子於君父義法具在茲以萬機事重輔贊乏人朕弗類必得卿終始以佐之而後可今遣行人周文燭賚勅往起文燭至日卽兼程星夜而進急復任事庶慰我

聖母至懷以慰朕思託之至意如忌而疑之恐非事君之道卿宜早來以匡朕治以符信備驗朕停俟卿故茲催勅卿其承之慎勿自負

○嘉靖十一年三月庚戌朔甲寅原任少傅兼太子太傅吏部尚書謹身殿大學士張孚敬應召至京詔進兼太子太師華蓋殿大學士餘官如故孚敬疏辭

上曰卿督四郊視克盡勤誠輔贊朕躬多賴匡翊茲加恩非過典其卽承朕命盡心供職勿辭
五月戊申朔丙子原任太子太保吏部尚書兼翰

林院學士方獻夫應召至京師詔進武英殿大學士散官尚書如故同輔臣張孚敬等內閣辦事獻夫具疏辭優詔獎答不允獻夫以未面恩越數日未敢視事

上遣中官卽私宅趣之獻夫乃赴閣

上諭之曰卿昨赴召以連日陰雨未與朝見故今日朕命入閣辦事庶副召用之意夫輔導之地以納誨爲職豈資我之忠言必托封章庶得隨事開陳茲以原賜銀印記給卿用使宜承朕命

八月丙子朔辛丑少傅兼太子太師吏部尚書華

蓋殿大學士張孚敬致仕先是孚敬以星變自陳上旣溫旨慰留禮科都給事中魏良弼引占書言彗晨見東方君臣爭明彗字出井奸臣在側孚敬竊弄威福驕恣專權妖星示異惟其所召乞亟罷免疏入報聞孚敬奏辯

上亦報聞於是兵科給事中秦鰲劾孚敬強辯飾奸媚嫉愈甚頃

上諭以舉賢容衆同寅協恭今言官論列輒文致其罪而內閣諸臣亦欲以危機中之曰曲法曰媚人籍令其術得行

聖心稍惑諸臣尚能一日安其位乎且謂天子之權不可下移是矣然稟擬

聖旨豈容不密今引以自歸明示中外若天子之權在其掌握有臣如此所以上干天和下拂人情臣愚以爲不去孚敬

天意終不可得而回也

上覽奏曰秦鰲之言實出忠讜張孚敬屢疏辭意朝廷豈不識所謂直是國家待輔臣之體當如此耳孚敬令自陳狀遂准致仕去大學士李時爲孚敬請夫役月餼初書諸恩典皆不許復疏令得馳傳

歸從之

○嘉靖十二年正月甲辰朔己酉太子太保吏部尚書武英殿大學士方獻夫秩滿廕其姪芷爲國子生○丙辰遣鴻臚寺左少卿陳璋召致仕大學士張孚敬復任賜之勅曰朕惟君臣相得自古爲難惟卿自中甲第奮志於忠不以身爲顧繼是歷居數任持一不回匡主愛君未或少懈前者小人構爲陷穽朕卽時令卿回已昨又自不審慎幾微又命卿回已適來星異衆疑之曰信哉君不明也使

之去而復來致變甚速朕亦應之曰孚敬適到此

節略類錄卷之十八
異又見試且令自陳吁朕意卿却不會又云云數語朕亦未放過三命回矣夫朕所以用卿去卿其意不待自述自有公論但卿何其自誤哉今自卿歸星芒未見速退應歟否歟他不必費紙札矣今朕三召復任卿若能識朕意則作速前來期使功名不自昧用全君臣之道卿若不能此者則漸來作賀朕得嗣之喜亦或慰朕思朕之至懷惟卿思之圖之

三月甲辰朔己未致仕少傅兼太子太傅吏部尚書華蓋殿大學士張孚敬趨命就道先上疏謝

上悅令吏部趣之

四月癸酉朔乙亥致仕少傅兼太子太傅吏部尚書華蓋殿大學士張孚敬赴召至京是日免朝

上傳賜酒餼復降勅諭孚敬曰朕聞卿至甚喜但二日未視事見卿蓋以文華致齋恐空室寒故厚衣不意傷熱遂病目須三四日可愈卿其先詣閣視事仍以其諭事示同官知孚敬隨赴閣辦事具疏以聞

上悅之諭以益殫心任事以副期望之重

十月庚午朔癸酉詔復故少師兼太子太師吏部

尚書華蓋殿大學士楊一清官先是一清坐張容
事削職籍未幾疽發背卒至是其孫中書舍人元
援恩陳乞

上念一清嘗布勞於國家特許之

○嘉靖十三年正月戊戌朔丙辰詔進少傅兼太子
太師吏部尚書華蓋殿大學士張孚敬少師兼官
如故太子太保兼武英殿大學士李時方獻夫太
子太保禮部尚書夏言俱少保兼官如故孚敬等
各疏辭

上優詔褒答之不允

七月丙寅朔癸未大學士李時一品二考年滿加
柱國遣中官頒賜羊酒鈔錠

○嘉靖十四年二月壬辰朔壬寅少師兼太子太師
吏部尚書華蓋殿大學士張孚敬六年秩滿

上嘉其輔相有年忠勤茂著廕一子爲中書舍人令
兼支大學士俸并給應得誥命已孚敬奏其子遜
業前以三年考滿廕國子生今乞改授中書舍人
而以幼子遜臣承前廕詔從之

三月辛酉朔丁酉

上日講畢既諭擇教習庶吉士官畢

上因言內閣少人卿等以為孰可孚敬請
上自擇

上曰古人薦賢內舉不避親外舉不避讐卿等知而不舉是蔽賢不忠孚敬等曰內閣之任與他司不同謂之機務者機乃發動之由一有差失為害不細所以此官必須慎重時曰如弩之機發之稍差毫末遠處即在尋丈外矣

上復諭六部也須得人而吏部都察院尤為緊要因傳評諸臣謂王廷相好梁材甚正聶賢猶健秦金覺已衰矣復言汪鉉事無定見昨考察恐未免虧

人孚敬曰鉉近在部時與霍韜爭辯

上曰若是爭辯汪鉉終達時宜若韜作尚書則部事須盡壞了時因請舉先朝午朝之典每午

皇上御左順門命大臣朝見即奏事亦足以聯屬人心

上曰

先朝仍有晚朝之儀朕思之如鴻臚寺奏謝恩見辭是朝儀若政事另行是今通政司奏事全是行政非朝也孚敬曰午朝驟難復不若時嘗宣召但質問政事亦可知人臣賢否

皇上天資英明臣下有一言欺蔽無不覺者臣等亦在側侍班

上曰也着科道官侍候廷試後舉行之○辛巳大學士張孚敬以疾給假

上遣中官賜牢鑄等物因以孚敬疾問大學士李時以火嗽對

上曰孚敬求靜養非盡屏諸事其何能靜時曰此非疾刻日可愈

上曰孚敬門中專決卿不與爭時曰機務至重臣豈敢不爭第孚敬性剛一時難入比委曲講究卒亦

未嘗不從

上曰昔楊一清言彼性是如此且如

莊肅皇后謚號卽用十二字何害乃至禮部爭辯如此時曰孚敬正以弟嫂與子母不同亦是忠愛上曰忠愛固能不無執拗了且彼不愛惜人材所以多怨茲內閣缺人朕欲取舊閣老費宏來與相處何如時遜謝稱善

上因問太倉積貯時曰聞頗充贏由革冗員多

上曰此是卽位詔書所革乃楊廷和之績不可泯者廷和殊有才第非輔弼器耳○癸未大學士張孚

敬引疾乞休

上慰之

七月庚申朔壬午

上遣中官賞手勅賜大學士費宏宏疏謝言頃蒙

皇上賜臣手勅且諭臣中秋二日見後卽到閣用心
贊治恭望闕廷拜跪捧讀伏覩勅諭所及其大者
有四焉定

郊社之禮儀則事

天極其敬矣序

七廟之昭穆則尊

祖極其誠矣

慈慶

慈寧兩宮之制則事

親極其孝矣移釋氏之宮殿撤淫褻之偶人則深知

聖道之爲正而不爲異端所惑矣是由

皇上睿智冠乎百王問學超於羣聖故能盡制以開
萬世之太平而臣愚於垂老之年乃得遭逢其盛
一何幸也

聖諭又念臣家居日久其於朝政民物知之必悉欲
有所陳臣惟朝政莫先於用人而進退爲最重民

物必在于寬卹而守令之所繫爲至意此實臣數年獻畝願獻之忠而向來所未酬之志也惟

聖明特加之意臣尚當日有所陳

上批答曰覽日有所陳之言深慰朕望必如是然後可凡事卿當獻正閉邪匡朕不及以副朕意

○嘉靖十五年閏十二月壬子朔癸亥命謹身殿大學士李時進華蓋殿禮部尚書夏言兼武英殿大學士同時內閣辦事各散官尚書如故言疏辭

上曰卿才宜此任久朕心第以部值多事皆以辦于卿故朕以此任托卿爲遲卿何辭焉可殫忠誠贊

治毋負朕心

○嘉靖十六年六月戊申朔庚戌少傅兼太子太師吏部尚書華蓋殿大學士李時六年考滿令復職遣中官賞賜羊酒寶鈔於私第廕一子中書舍人仍兼支大學士俸時疏辭

上優詔不允

八月丁未朔改廕大學士李時次孫鏞爲國子生以時長孫鏞授中書舍人故也

十二月丙午朔丁未廕大學士賈誅子爲國子生嘉靖十七年二月乙巳朔甲子致仕大學士張孚

敬上疏請立東宮

上優詔答之

八月辛丑朔丙辰命掌詹事府事太子太保禮部尚書顧鼎臣兼文淵閣大學士入內閣辦事鼎臣疏辭

上優詔答之

十月辛丑朔己酉少傅兼太子太師禮部尚書武英殿大學士夏言六年考滿詔復職廕一子爲中書舍人兼支大學士俸言疏辭不允

○嘉靖十八年二月庚子朔壬寅

上以駕將南狩詔起舊輔臣翟鑾充行邊使拊巡九邊暫改兵部尚書兼都察院右都御史事完如舊

○癸卯致仕大學士張孚敬以

慈孝獻皇后之喪上疏請慰又以疾篤上遣疏勸上建儲貳任忠良而以其子遜業遜膚孤危無託爲言

上優詔慰答之

八月乙丑朔甲午大學士夏言顧鼎臣各以考察自陳乞罷

上俱溫旨留之

九月乙未朔戊午少傅兼太子太傅禮部尚書武英殿大學士夏言奏請給假改葬

上曰卿所陳疏朝上朕當夕允以示教人孝也顧數日尚未答者非朕不體至情但朕之簡任倚託在卿獨重况職居輔首宜竭盡忠赤匡贊朕治此奏難俞勿再以請

○嘉靖十九年正月甲午朔丙午行邊使兵部尚書兼都察院右都御史翟鑾事竣還京詔以原職太子少保禮部尚書兼武英殿大學士入閣輔政鑾疏謝

上優詔答之

八月庚申朔大學士顧鼎臣以久疾疏乞住俸

上不允諭以善加調理痊可卽出供職

十一月戊子朔甲寅總督尚書劉天和之鎮斬獲至四百四十餘級以捷聞

上大嘉之曰虜歷歲寇邊猖獗滋熾天和等調度士馬悉力驅勦斬將擒王功幾五百此捷前所未有內閣輔臣夏言加少師兼太子太師吏部尚書華蓋殿大學士翟鑾加少保兼太子太傅尚書大學士如故

嘉靖二十年正月戊子朔丁酉兵部覆御史江濬
閱過大同五堡工狀

上曰五堡工成有俾邊方大計大學士翟鑾有經始
功况疇畧諸邊近各克捷廕一子錦衣副千戶世
襲

二月戊午朔乙亥

上以邊塞寧謐遣中官賞勅獎諭大學士夏言疏謝
報曰覽卿奏謝具悉勞謙至意

八月甲寅朔庚寅詔削少師兼太子太師吏部尚
書武英殿大學士夏言致仕初言久以疾在告會

慈壽皇太后崩

上以

皇太子服制之儀傳示及言言具疏對誤寫字號
被旨切貴令從實陳狀言因引咎陳謝并乞假還
鄉治疾

上怒曰言初以言職朕命予敬傳示令上四郊禮自
是異擢榮遷眷出羣臣上何肆意放恣一至於此
茲方廟災修省之初

皇伯母大喪之際邊圉未靖正屬主憂之時乃罔思
休念居出任意病以將平敢求于逸大負倚注本

當逮問第念往勞姑落職令致仕去言因邊警條
上備虜事宜

上曰言既蘊忠謀何乃堅於自愛負朕眷倚姑不問
章下所司知之

九月甲申朔壬辰致仕大學士夏言詣迎和門辭
詔賜酒饌于無逸殿仍令還私宅調理以俟後令
○十月癸丑朔丁卯復原任大學士夏言少傳兼太
子太傅禮部尚書武英殿大學士仍赴閣辦事復
賜假調理令於十一月朔謝恩入閣

○嘉靖二十一年二月壬子朔丁卯大學士夏言以
疾少間詣鴻臚寺報名謝恩

上特遣中使諭止之曰卿疾小愈忝趨謝作勞特用
賜免卿其轉精神省思慮近醫藥以自持言遵旨
遂止廷謝仍具謝疏報聞

四月辛亥朔戊午以嘉峪關修邊工成大學士翟
鑾行邊首議之功廕子翟汝儉爲試中書舍人
八月戊寅朔癸巳

上勅吏部曰成國公朱希忠駙馬崔元輔臣翟鑾大
宗伯嚴嵩日侍朕躬忠勤罔懈希忠元各加太保
鑾加少傳兼謹身殿大學士嵩兼武英殿大學士

入閣辦事仍掌禮部事免其奏事承旨希忠等各
疏辭免

上優旨俱優答不允

○嘉靖二十三年八月丁卯朔己巳詔加輔臣嚴嵩
太子太傅餘官如舊

九月丁酉朔丁未命吏部尚書許讚兼文淵閣大
學士禮部尚書張璧兼東閣大學士俱內閣辦事
餘官如舊讚等疏辭各優詔褒答不允○戊午勅
少保兼太子太傅禮部尚書武英殿大學士嚴嵩
進兼吏部尚書謹身殿大學士嵩疏辭

上曰朕以卿首臣効力輔贊茲因序列而進非私卿
其欽承之所辭不允

十二月乙丑朔戊辰禮部尚書兼東閣大學士張
璧引年乞休優詔不允○己巳少保兼太子太傅
吏部尚書謹身殿大學士嚴嵩以從一品再考詔
加少傅餘官如故仍兼支大學士俸廕一子爲中
書舍人給與應得誥命嵩疏辭不允

○嘉靖二十四年正月乙未朔戊辰大學士嚴嵩言
臣每次獨蒙宣召人情未免嫉議竊不自安臣思
往歲夏言惡與郭勛同列以致生隙夫臣子比肩

事主當協恭同心豈宜有此嫌異今臣希忠臣元
臣讚臣璧凡有宣召乞與臣同席事體相安

祖宗朝寒夏三楊每並入侍乞如故事一體參預疏
入報聞

七月辛酉朔甲子以

太廟工完加大學士嚴嵩太子太師許讚少傅張璧
太子太保仍各賞銀六十兩紵絲四表裏

八月辛卯朔加大學士嚴嵩少師○丁酉大學士
嚴嵩辭加少師言

祖宗朝每遇

聖節止是加恩內使未有及外臣者臣等連歲在直
不過撰述文字微勞緣此以得重秩則人得以指
議之矣疏凡三上乃准辭允

九月辛酉朔丁丑詔起原任大學士夏言於家遣
官賜之勅曰邇者內閣缺人朕以卿贊政有年忠
勤茂著特茲起用差行人司行人張鍊賁勅召卿
勅至卿宜卽日就道馳驛前來以副朕眷倚至意
母緩

十二月庚寅朔戊申少師兼太子太師吏部尚書
華蓋殿大學士夏言赴京

上悅命復原職加大學士嚴嵩少師如故嵩等各表謝

上皆優詔答之

○嘉靖二十五年八月己酉朔癸巳詔輔臣夏言加正一品俸嚴嵩特進光祿大夫餘官各如故以萬壽聖節加恩也

○嘉靖二十六年正月甲寅朔丁卯大學士嚴嵩乞假調理

上曰聞卿失孫已有諭遣慰宜少抑愛暫准治疾亟出供職

八月癸卯朔辛亥以

萬壽聖節加輔臣嚴嵩支正一品俸

○嘉靖二十八年二月辛丑朔丙午給事中王德沈束楊允繩陳簡輔臣錄遺佚二事謂自古帝王無有不慎選良弼以臻至治者頃該大學士嚴嵩題稱內閣辦事缺人詔令推堪用者五六員以聞臣仰見

皇上憂勤惕勵思得命世之佐以副側席之想甚盛心也竊惟輔弼之臣關係甚大必行履忠貞器量宏博者始足以當其任若文言飾貌而迂疎不適

于用強學博辯而執拘不通于時外飾廉隅而中藏貪怍陰蠱毒而陽爲脂韋此天下之懟也有一于此皆足以病國殃民使不早辨而誤用之以致僨事雖加譴斥亦奚益矣昔唐肅宗爲用楊綰爲相一時大臣嚴樂騎從率皆減撤宋哲宗相司馬光外夷戒飾邊吏慎勿生事此固得人之證也且國家盛治必英才彙進而後可成昔虞周之際百揆庶牧悉賴忠良疏附禦侮罔非吉士頃者每遇廷臣員缺輒患得人之難豈古今若是異哉良以進拔之途未廣遺佚之賢尚多固有志節足以表

世而嘉遜自藏才猷可與濟時而掄揀未逮或以二卵遂棄干城之用或失東隅莫收桑隅之故不克任使耳非無人也伏望

皇上俯念機務重任簡自宸衷敷求正人置諸左右仍勅該部博稽公論荐舉遺賢或特賜超擢或遇缺填補務求舉惟其人才稱其用無使庸流下品乘機倖進則股肱惟良庶事可康矣章下所司

○辛亥詔改南京吏部尚書張治爲禮部尚書兼文淵閣大學士陞國子監祭酒李本爲少詹事兼翰林院學士俱內閣辦事自夏言得罪後大學士嚴

高嘗一上疏請簡廷臣協輔詔姑少待嵩獨相且年餘矣至是再疏以請

上乃從之命吏部會同九卿科道卽推五六人堪用者以名聞于是吏部會推以吏部尚書聞淵南京吏部尚書張治吏部左侍郎兼翰林院學士掌院事徐階南京兵部尚書韓邦奇禮部左侍郎歐陽德國子監祭酒李本應詔

上下嵩酌用嵩言古者論相之命自

天子出今制每以付之廷推而簡用悉由宸斷羣臣材品莫逃

聖鑒疏內所推六人年資履歷一覽具在伏望

聖明裁決于中點用二三人非臣所敢擬議

上乃特命治本同叅機務云○甲寅國子監祭酒李本疏辭內閣

上曰內閣職在代言備問

祖宗時選用文學侍從之臣不專以品級崇者爾膺茲簡擢宜懋修職業以副朕命不允辭

二月辛未朔己亥南京吏部尚書張治疏辭內閣辦事之命

上優詔不允

六月己亥朔辛酉召大學士張治李本入直無逸殿

○嘉靖二十九年八月壬戌朔丙寅以

聖節覃恩加輔臣嚴嵩上柱國尚書張治太子太保少詹事李本陞吏部右侍郎兼東閣大學士○辛未大學士嚴嵩奏臣伏蒙

聖恩加上柱國臣不勝疑懼傳曰尊無二上上之一字非人臣所宜居國初雖設此官亦不敢授當時左相國徐達爲開國勳臣第一亦止爲左柱國累朝曠而不置縱使特恩臣子所當力讓者唐太宗

藩邸時曾爲尚書令唐世臣子無敢爲尚書令者至代宗朝以郭子儀有大功特拜斯職子儀固讓不受臣雖識昧古今頗知敬畏乞

聖上特免此官仍著爲國典以昭臣節

上曰卿敬出心腑准辭其以卿子世蕃爲太常寺卿○嘉靖三十年十一月乙酉朔庚寅輔臣嚴嵩等以哈舟兒等伏誅具疏陳賀

上手書諭之傳示趙錦等各與吏部擬恩奏行以在直諸臣襄贊密勿陞輔臣嚴嵩子世蕃工部右侍郎仍廕一子錦衣衛千戶禮部尚書徐階加少保

詹一子爲國子生吏部右侍郎兼東閣大學士李
本進禮部尚書兼官直贊如故

○嘉靖三十一年三月癸未朔辛卯命少保兼太子
太保禮部尚書徐階兼東閣大學士入閣辦事仍
掌部事階疏辭

上優詔褒答不允

五月壬午朔戊申復原任少傅兼太子太傅吏部
尚書文淵閣大學士許讚官從其子禮部員外郎
俱請也

○嘉靖三十三年八月己巳朔辛未以

萬壽節加恩大學士嚴嵩子工部左侍郎世蕃添註
本部管事徐階兼太子太傅武英殿大學士李本
太子太保文淵閣大學士餘官如故嵩辭以世蕃
非科目出身不當與聞部事

上嘉其誠懇許之階等辭皆不允

○嘉靖三十五年二月庚寅朔己未命大學士李本
暫掌吏部不承旨奏事如例○甲子奉

聖諭本且掌吏政緩請推正內外大小之臣更其甚
者分三等來着具疏明行毋畏邪自弱○庚辰加
大學士李本少保兼武英殿大學士以考察九卿

會閣類錄卷之十八
百四
堂官及科道事竣故也

○嘉靖三十六年八月辛巳朔癸巳

上諭吏部輔臣嵩令兼支尚書俸階加少傅本兼太子太傅各疏辭謝俱優詔不允復遣中官傳諭嵩特免廷謝

○嘉靖三十九年八月甲午朔

上諭吏部曰直贊諸臣效誠年久未有加與何以重君上事

帝之典輔臣階加太子太師本加少傅

○嘉靖四十年十一月丁卯朔甲午勅加太子少保

禮部尚書袁煒太子太保改戶部尚書兼武英殿大學士入內閣典機務煒疏辭

上優詔不允

○嘉靖四十一年三月乙酉朔己酉

萬壽宮成加恩効勞諸臣輔臣徐階加少師兼支尚書俸仍廕一子中書舍人嚴嵩歲加祿米一百石袁煒加少保

六月癸丑朔乙卯大學士徐階等奏內閣辦事舊用三員或四員近嚴嵩致仕乞

皇上簡命一員與臣等共圖贊理

管閣類錄 卷之六
上不悅曰卿等知其有同心輔政者何不具聞階等
惶恐謝不知不敢對

上意乃解

○嘉靖四十三年八月庚午朔丙子以

萬壽聖節加恩直贊諸臣輔臣徐階進兼建極殿大
學士仍廕其子琨爲尚寶司少卿袁煒加少傅兼
太子太傅建極殿大學士

○嘉靖四十四年四月丁卯朔庚辰勅太子太保吏
部尚書嚴訥太子太保禮部尚書李春芳俱兼武
英殿大學士在內閣同元輔階辦事訥仍暫掌吏

部事各兼官如故訥春芳疏辭優詔不允

嘉靖四十五年三月壬辰朔己未命太子太保吏
部尚書郭朴兼武英殿大學士禮部尚書高拱兼
文淵閣大學士同入閣辦事改太子太保禮部尚
書武英殿大學士李春芳爲吏部尚書餘官如故
朴拱俱疏辭

上優詔不允

文

吏部文選司印副司印每行銀伍錢副印匠

格壹工部工錢壹百伍拾肆錢陸百玖

右

戶部文開索倫副管員役人等到京應用大永缸肆口每

館閣類錄卷之十八終

頭捌

